



Broj: 04-04-40851-7/25

Datum: 25.05.2026.godine

SVIM ZAINTERESIRANIM KANDIDATIMA

PREDMET: Odgovori na pitanja kandidata o sadržaju dokumentacije javnog poziva

Ministarstvo saobraćaja Kantona Sarajevo je dana 21.05.2026.godine, 22.05.2026.godine i 23.05.2026.godine, putem elektronske pošte, zaprimilo pitanja za pojašnjenje sadržaja dokumentacije javnog poziva za davanje u zakup reklamnih površina na tramvajskim stajalištima u Kantonu Sarajevo, slijedećeg sadržaja:

Pitanja od 21.05.2026.godine

„U skladu sa odredbom člana 1.7. Javnog poziva za davanje u zakup reklamnih površina na tramvajskim stajalištima u Kantonu Sarajevo i Dopune Javnog poziva za davanje u zakup reklamnih površina na tramvajskim stajalištima u Kantonu Sarajevo ber. 04-04-40851/26 od 18.05.2026.g., slobodni smo Vam se obratiti sa zahtjevom za davanje pojašnjenja u odnosu na pojedine odredbe ovog Javnog poziva, pa molimo da nam se, u što kraćem roku, dostavi traženo pojašnjenje.

a) Odredba 1.14. Javnog poziva utvrđuje :

“Ponuda kandidata mora biti dostavljena do naznačenog datuma i sata i za ugovarača nije relevantno kada je ona posalata niti na koji način.

Javno otvaranje ponuda će se održati 01.06.2026. godine u 11,30 sati, u prostorijama ugovarača, adresa: MINISTARSTVO SAOBRAĆAJA KANTONA SARAJEVO, Reisa Džemaludina Čauševića 1, 71000 Sarajevo.

Kandidati ili njihovi ovlašteni predstavnici, kao i sva druga zainteresovana lica mogu prisustvovati otvaranju ponuda. Informacije koje se iskazu u toku javnog otvaranja ponuda će se dostaviti svim ponuđačima koji su u roku dostavili ponude putem zapisnika sa otvaranja ponuda, odmah, a najkasnije u roku od 3 dana.

Na javnom otvaranju ponuda prisutnim kandidatima će se saopštiti sljedeće informacije:

- naziv kandidata,*
- ukupna cijena navedena u ponudi.*

Predstavnik kandidata koji želi zvanično učestvovati na otvaranju ponuda treba prije otvaranja ponuda Komisiji dostaviti punomoć za učešće na javnom otvaranju ponuda u ime privrednog subjekta - kandidata ukoliko nije potpisnik ponude. Ukoliko nema zvanične punomoći kandidat može kao i ostala zainteresovana lica prisustvovati javnom otvaranju ali bez prava potpisa zapisnika ili preduzimanja bilo kojih pravnih radnji u ime kandidata”.

S druge strane, odredbom člana 1.18. Javnog poziva je utvrđeno:

“Ministarstvo će nakon isteka roka za dostavljanje ponude na javni poziv, izvršiti provjeru ispravnosti blagovremeno zaprimljenih ponuda kao i sadržaja dostavljene dokumentacije, te o rezultatima obavijestiti ponuđače.

Najpovoljnijim ponuđačem smatrat će se ponuđač koji je dostavio kompletnu i ispravnu dokumentaciju, te koji je ponudio cjenovno najvišu ponudu zakupnine. Obavijest o odabiru najpovoljnijeg ponuđača bit će dostavljena ponuđačima i objavljena na web stranici Ministarstva”

Pitanje:

Imajući u vidu navedene odredbe, te činjenicu da je rok za dostavu ponuda određen na dan 01.06.2026.g. do 10,00 sati, a da je javno otvaranje ponuda zakazano za isti dan, samo u 11,30 sati, molimo da se pojašni procedura otvaranja ponuda odnosno odgovori na pitanje: da li će se na dan i tokom javnog otvaranja ponuda, provjeravati blagovremenost, potpunost i urednost pristiglih prijava/ponuda ili će se samo objaviti imena ponuđača i iznos ponuđene cijene?

Ako će se na dan otvaranja ponuda objaviti samo imena ponuđača i iznos ponuđene cijene, bez istovremene ocjene urednosti i blagovremenosti pristiglih ponuda, koji organ će vršiti ocjenu blagovremenosti, potpunosti i urednosti pristiglih prijava/ponuda, te obzirom da se taj postupak neće provoditi javno, koje garancije ponuđači imaju u odnosu na pravilnost i zakonitost samog postupka ocjene ponuda ?

Da li ovlašteni predstavnici ponuđača imaju pravo prisustvovati postupku ocjene urednosti i blagovremenosti pristiglih ponuda?

Da li ponuđači koji ne budu ocijenjeni kao najpovoljniji, imaju mogućnost izjavljivanja pravnog lijeka (prigovor, žalba) na postupak ocjene ponuda i na odluku o izboru?

b) Odredba člana 2.2.1 tretira pitanje i pojam “Lična sposobnost”, pa se u, relevantnom dijelu Javnog poziva, u tom smislu utvrđuje:

“2.2.1.1 Ministarstvo će isključiti privrednog subjekta iz postupka ako utvrdi da je:

A. privredni subjekt koji je poslovno nastanjen u Bosni i Hercegovini ili osoba koja je vlasnik, član upravnog, upravljačkog ili nadzornog tijela ili ima ovlasti zastupanja, donošenja odluka ili nadzora tog privrednog subjekta i koja je državljanin Bosne i Hercegovine:

(...)

2.2.1.2 Ponuda se odbija i ako je ponuđač bio kriv za težak profesionalni propust počinjen tokom perioda od 3 (tri) godine prije početka postupka javnog poziva, a koje ugovorni organ može dokazati na bilo koji način, a posebno značajni nedostaci koji se ponavljaju u izvršenju bitnih zahtjeva ugovora koji su doveli do njegovog prijevremenog raskida, nastanka štete, ili drugih sličnih posljedica koje su rezultat namjere ili nemara privrednog subjekta – ponuđača, određene težine.

2.2.1.3 U svrhu dokaza o ispunjavanju uslova utvrđenih u tački 2.2.1.1. javnog poziva ponuđači su dužni u ponudi dostaviti Izjavu o ispunjenosti uslova lične sposobnosti, ovjerenu kod nadležnog organa (organ uprave – opština, sud ili notar) da se na njih ne odnose slučajevi definisani tačkom 2.2.1.1 pod a), b), c), d) ovog javnog poziva. Izjava se dostavlja u formi utvrđenoj tačkom 8.

(...)

2.2.1.5 U slučaju da se u ponudi ne dostavi navedeni dokument ili se ne dostavi na način kako je naprijed traženo, ponuđač će biti isključen iz daljeg učešća zbog neispunjavanja navedenog uslova za kvalifikaciju.

Pitanje:

Obzirom na sadržaj odredbe koji glasi: “A. privredni subjekt koji je poslovno nastanjen u Bosni i Hercegovini ili osoba koja je vlasnik, član upravnog, upravljačkog ili nadzornog tijela ili ima ovlasti zastupanja, donošenja odluka ili nadzora tog privrednog subjekta i koja je državljanin Bosne i Hercegovine”, da li ista podrazumijeva obavezu dostave dokaza navedenih u odredbi člana 2.2.1.1, a), b), c). i d). samo za Ponuđača, ili podrazumijeva obavezu dostave ovih dokaza i za osnivača(e), članove upravnog, nadzornog odbora Ponuđača i odgovornog lica (direktora) Ponuđača?

Pitanje:

U odnosu na sadržaj odredbe koja glasi: “2.2.1.2 Ponuda se odbija i ako je ponuđač bio kriv za težak profesionalni propust počinjen tokom perioda od 3 (tri) godine prije početka postupka javnog poziva, a koje ugovorni organ može dokazati na bilo koji način, a posebno značajni nedostaci koji se ponavljaju u izvršenju bitnih zahtjeva ugovora koji su doveli do njegovog prijevremenog raskida, nastanka štete, ili drugih sličnih posljedica koje su rezultat namjere ili nemara privrednog subjekta – ponuđača, određene težine.”, molimo da se izda pojašnjenje :

- šta se podrazumijeva pod pojmom “težak profesionalni propust”, obzirom da pozitivni propisi ne poznaju ovaj pojam kao kriterij ocjene ispunjenosti uslova za učešće u nekom postupku, pa u tom smislu molimo da se precizno odredi ovaj pojam, te da se pojasni da li se isti odnosi na činjenicu :

prekršajnog/krivičnog sankcionisanja Ponuđača od strane nadležnog organa i/ili suda, za koje prekršaje/krivična djela i sa kojom sankcijom, ili sankcionisanje/nalaganje neke mjere od strane ovlaštenog organa za nadzor poslovanja Ponuđača ?

kršenja ugovornih obaveza preuzetih zaključenjem ugovora sa komitentima i po kojim kriterijima se cijeni odgovornost Ponuđača ili druge ugovorne strane za nastanak “prijevremenog raskida, nastanka štete, ili drugih sličnih posljedica koje su rezultat namjere ili nemara privrednog subjekta – ponuđača, određene težine”

šta se podrazumijeva i po kojim kriterijima se cijeni, namjera, nemar, odnosno težina posljedica, kao pojmovi koji su sadržani u citiranoj odredbi?

- c) U odnosu na sadržaj odredbe člana 2.2.3 “Uslovi ekonomske i finansijske sposobnosti”, u sadržaju ove odredbe se navodi:

“Ponuđač mora dokazati da nije bio u blokadi u posljednjih 6 (šest) mjeseci te da u posljednjih 12 (dvanaest) mjeseci nije imao neuredno izvršenje ugovora prema drugim pravnim licima, organizacijama ili institucijama.

Ministarstvo će prihvatiti sljedeće dokumente kao dovoljan dokaz o ispunjavanju kriterija za odabir ponuđača:

– dokument izdan od bankarskih ili drugih finansijskih institucija, kojim se dokazuje solventnost ponuđača (BON-2/SOL-2 ili odgovarajući bankovni izvodi, potvrde, ili finansijski izvještaji ili bilo koji drugi odgovarajući dokument banke ponuđača) iz kojeg je vidljiv podatak da račun istog nije bio blokiran u posljednjih šest mjeseci i da se radi o glavnom računu ponuđača;

– potvrda na memorandumu ponuđača pod punom krivičnom i materijalnom odgovornošću da u posljednjih 12 mjeseci nije imao neuredno izvršenje ugovora prema drugim pravnim licima, organizacijama ili institucijama sa kojima ima ili je imao saradnju i da nije snosio nikakve sankcije po tom pitanju (raskid Ugovora, plaćanje zatezних kamata, aktiviranja bankarske garancije...itd)”.

Pitanje:

U odnosu na dio citirane odredbe gdje se kao kriterij, odnosno eliminacioni faktor predviđa: “neuredno izvršenje ugovora prema drugim pravnim licima, organizacijama ili institucijama sa kojima ima ili je imao saradnju i da nije snosio nikakve sankcije po tom pitanju (raskid Ugovora, plaćanje zatezних kamata, aktiviranja bankarske garancije...itd).”, tražimo jasno pojašnjenje:



Šta se podrazumijeva po terminom “neuredno izvršenje ugovora”, pa molimo za javno i precizno određenje i definisanje ovog kriterija/pojma?

Da li se pod pojmom “sankcija” podrazumijevaju samo građansko pravne sankcije u vidu postojanja pravomoćnih sudskih presuda kojim se nalaže Ponuđaču plaćanje zatezних kamata, naknade štete i sl. ?

Po kojim kriterijima se cijeni odgovornost učesnika u obligacionom odnosu (ponuđača i druge ugovorne strane) za “raskid ugovora”, te da li se pod ovim pojmom podrazumijeva i sporazumni raskid ugovora, jednostrani raskid/otkaz ugovora, ili raskid ugovora koji izriče sud presudom?

Pitanje u vezi sa rizikom diskvalifikacije ponuđača

Polazeći od načela pravne sigurnosti, jednakog tretmana ponuđača i transparentnosti postupka, molimo ugovorni organ da pojasni način postupanja u situaciji kada prvobitno odabrani ponuđač bude diskvalifikovan, a eventualno, sljedeće rangirani ponuđač ima isti osnov za eliminaciju po istom ili sličnom osnovu u toku trajanja ugovora.

S tim u vezi, molimo da ugovorni organ precizira:

- ko snosi pravni i poslovni rizik eventualno pogrešno postavljenih ili nejasno definisanih eliminacionih kriterija,
- da li ugovorni organ preuzima odgovornost za eventualnu štetu ili troškove koji mogu nastati ponuđačima usljed naknadnih eliminacija,
- te na koji način će biti osigurano poštivanje načela jednakog tretmana i predvidivosti postupka.

Napominjemo da pravna sigurnost učesnika postupka podrazumijeva jasno definisane i unaprijed poznate kriterije, čija primjena ne smije ostavljati prostor za proizvoljno ili naknadno tumačenje.

Pitanje u vezi sa pravnim osnovom kriterija za eliminaciju

Molimo ugovorni organ da precizno navede pravni osnov kriterija i faktora za eliminaciju ponuđača definisanih predmetnim javnim pozivom.

Konkretno, molimo pojašnjenje:

- da li ugovorni organ garantuje da su svi eliminacioni kriteriji u skladu sa važećim pozitivnim propisima Bosne i Hercegovine,
- koji propis predstavlja osnov za predmetni postupak i definisane uslove (Zakon o javnim nabavkama BiH, Zakon o obligacionim odnosima, posebni propisi ili interni akti),
- te da li su predmetni kriteriji usklađeni sa načelima proporcionalnosti, zakonitosti, jednakog tretmana i zabrane diskriminacije učesnika na tržištu.

Pitanje u vezi sa načinom obračuna i fakturisanja zakupnine

U dijelu javnog poziva kojim je definisano:

„Obračun mjesečne zakupnine vršit će se na osnovu broja iskorištenih tramvajskih stajališta...“
Molimo detaljno pojašnjenje načina obračuna zakupnine, radi pravilnog razumijevanja ekonomskog i ugovornog aspekta ponude.

Konkretno, potrebno je pojasniti:

- da li se zakupnina obračunava isključivo za stvarno iskorištena stajališta,

- ili se obračun vrši za ukupan broj stajališta unutar dodijeljenog LOT-a bez obzira na stepen njihove iskorištenosti.

Pitanje u vezi sa kapacitetima ugovornog organa za realizaciju zapisnika

U dijelu javnog poziva kojim je propisano obavezno prisustvo predstavnika obje strane prilikom postavljanja reklama i sačinjavanja zapisnika, molimo ugovorni organ da potvrdi da raspolaže dovoljnim tehničkim, organizacionim i kadrovskim kapacitetima za efikasnu realizaciju predmetnih obaveza.

Radi izbjegavanja eventualnih operativnih prepreka i poslovne štete, molimo pojašnjenje:

- da li ugovorni organ može osigurati prisustvo ovlaštenih predstavnika na većem broju lokacija u kratkom vremenskom roku (npr. 60 različitih lokacija tokom jednog dana),
- ko snosi odgovornost za eventualna kašnjenja ili nemogućnost realizacije koja nastane usljed nedostatka kapaciteta ugovornog organa,
- te da li ponuđač ima pravo na zaštitu od eventualne štete ili gubitka prihoda nastalog zbog neispunjavanja obaveza druge ugovorne strane.

Pitanje u vezi sa zabranom političkog oglašavanja

U dijelu javnog poziva kojim je navedeno:

„U okviru ovog javnog poziva zabranjeno je svako direktno ili indirektno oglašavanje političkih kampanja.“

molimo ugovorni organ da navede koji je osnov navedene zabrane.

Konkretno, molimo pojašnjenje:

- na kojem zakonu, podzakonskom aktu, odluci ili drugom propisu se zasniva navedeno ograničenje,
- da li se radi o opštem pravilu koje važi za sve oblike korištenja predmetnih površina,
- te da li je izvršena analiza usklađenosti navedene zabrane sa načelima jednakog tretmana, zabrane diskriminacije i slobode tržišnog nastupa.

Pitanje u vezi sa mogućnošću postavljanja digitalnih CYL objekata na novim stajalištima

Molimo ugovorni organ da precizno pojasni da li je u okviru predmetnog javnog poziva dozvoljena mogućnost postavljanja digitalnih CYL objekata na novim tramvajskim stajalištima na kojima trenutno ne postoje CYL/CYB reklamni objekti.

U slučaju da je navedeno dozvoljeno, molimo pojašnjenje:

- da li je za takvu vrstu postavljanja potrebna posebna saglasnost ugovornog organa ili drugih nadležnih institucija,
- koji su tehnički, urbanistički i sigurnosni uslovi za eventualno postavljanje novih digitalnih reklamnih objekata,
- te da li bi ulaganja ponuđača u nove objekte predstavljala osnov za ostvarivanje posebnih prava ili zaštite investicije tokom trajanja ugovora.

Pitanje u vezi sa odgovornošću za oštećenja izazvana od strane trećih lica

U dijelu javnog poziva kojim su definisani uslovi zakupa i obaveza održavanja zakupljenih stajališta u urednom i ispravnom stanju, molimo pojašnjenje raspodjele odgovornosti u slučaju oštećenja izazvanih od strane trećih i nepoznatih lica (NN lica), uključujući:



- lomove stakala,
- vandalizam,
- oštećenja nastala u saobraćajnim nezgodama,
- te druga oštećenja koja nisu nastala krivicom zakupca.

Konkretno, molimo da ugovorni organ precizira:

- koja ugovorna strana snosi troškove sanacije takvih oštećenja,
- da li zakupac odgovara za štetu nastalu usljed više sile ili radnji trećih lica na koje nije mogao uticati,
- te da li postoji procedura evidentiranja i verifikacije nastale štete.

Pitanje u vezi sa nedostajućim prikazom LOT-a 3 u Prilogu 1

Uvidom u dokumentaciju „Prilog 1 – Prikaz tramvajskih stajališta sa raspoloživim reklamnim površinama“, utvrđeno je da nedostaje prikaz LOT-a 3.

S tim u vezi, molimo ugovorni organ da:

- dostavi kompletan prikaz LOT-a 3 sa svim pripadajućim lokacijama i reklamnim površinama,
- potvrdi da li se radi o tehničkom propustu u dokumentaciji,
- te pojasni da li će predmetni nedostatak imati uticaj na rokove za dostavljanje ponuda.

Pitanje u vezi sa neusaglašenim dimenzijama reklamnih površina u LOT-u 1 i LOT-u 2

Uvidom u „Prilog 1 – Prikaz tramvajskih stajališta sa raspoloživim reklamnim površinama“ za LOT 1 i LOT 2, uočene su neusaglašenosti u pogledu naznačenih dimenzija reklamnih površina, kao i ukupnog obračuna površina predviđenih za oglašavanje.

S tim u vezi, molimo ugovorni organ da:

- izvrši provjeru i potvrdi tačne dimenzije raspoloživih reklamnih površina,
- dostavi korigovan obračun ukupne površine za oglašavanje,
- potvrdi koji podaci će predstavljati konačan i obavezujući osnov za obračun i realizaciju ugovora.

Pitanje u vezi sa neusaglašenim brojem reklamnih površina na pojedinim stajalištima

Uvidom u stanje na terenu i uporedbom sa podacima iz „Priloga 1 – Prikaz tramvajskih stajališta sa raspoloživim reklamnim površinama“ za LOT 1 i LOT 2, utvrđeno je da je na pojedinim stajalištima evidentiran manji broj staklenih površina predviđenih za reklamiranje u odnosu na stvarno stanje na terenu.

Molimo ugovorni organ da:

- izvrši usklađivanje podataka iz tenderske dokumentacije sa stvarnim stanjem na terenu,
- potvrdi koji broj reklamnih površina predstavlja zvaničan osnov za realizaciju ugovora,
- te pojasni na koji način će se postupati u slučaju naknadno utvrđenih odstupanja između dokumentacije i stvarnog stanja.

Pitanje u vezi depozita



'Ponudač mora u ponudi dostaviti i potvrdu da je uplatio depozit kao garanciju za ozbiljnost ponude u iznosu od 50% vrijednosti LOT-a bez PDV-a za koji dostavlja ponudu'

Molimo ugovorni organ da odgovori:

Da li se iznos od 50% vrijednost LOT-a odnosi na minimalnu propisanu cijenu definisanu u javnom pozivu ili 50% vrijednosti ponuđene cijene?

Pitanje u vezi ponuda od stranih ponudjača

Molimo ugovorni organ da odgovori:

Da li strain ponudač u postupku dostavljanja ponude treba da priloži ovjerenu Izjavu o ličnoj sposobnosti (prilog 8) a naknadno , ukoliko bude izabran za najpovoljnijeg ponuđača dostavlja potvrde nadležnih državnih organa da nema osuđivanosti/kažnjavanosti ili već u samoj prijavi na javni poziv mora da dostavi navedene dokaze?"

Pitanja od 22.05.2026.godine

- 1. U tački 1.3 "Uslovi zakupa" javnog poziva za davanje u zakup reklamnih površina na tramvajskim stajalištima u KS , a vezano za plaćanje stoji da će se plaćanje vršiti po obračunu na osnovu broja iskorištenih tramvajskih stajališta, a po ispostavljanju fakture KJKP "Gradski saobraćaj" doo.*

Da li to znači da će "ZAKUPAC" plaćati isključivo samo onoliko stajališta koliko ih bude koristio u toku mjeseca? Ako je odgovor "DA" znači li to da ako ZAKUPAC u toku mjeseca ne iskoristi niti jedno stajalište onda je prihod KJKP "Gradski saobraćaj" za taj mjesec 0 KM?

- 2. U tački 2.2.4. TEHNIČKA I PROFESIONALNA SPOSOBNOST*

Ponudač mora imati uspješno iskustvo u realizaciji najmanje jednog ugovora u predhodne 3 godine iz oblasti INDOOR ili OUTDOOR oglašavanje ili kombinaciju oba u vrijednosti minimalno pobrojano po lotovima I, II i III.

Kao dokaz navedeno je da se prihvata potvrda druge ugovorne strane o uspješnoj realizaciji ugovora. Druga ugovorna strana će dati potvrdu.

Ali zbog opreznosti i eventualnog pograšnog tumačenja davanja zavaravajućih podataka, te veoma visokog depozita za ozbiljnost ponude postavljamo slijedeće pitanje:

Da li se prihvataju 3 vezana ugovora u periodu od 3 godine(2024., 2025., i 2026) od istih ugovornih strana, sa istim predmetom ugovora? (Naime, imamo ugovor sa drugom ugovornom stranom koji se svake godine obnavlja (bez prekida) i s istim predmetom ugovora.

Zbir tih ugovora nam omogućava da dokažemo tehničku i profesionalnu sposobnost u protekle 3 godine).

- 3. U tački 5. FINANSIJSKE GARANCIJE Depozit kao garancija za ozbiljnost ponude*

Depozit u visini od 50% vrijednosti LOT-a je veoma visok i mišljenja smo da ne postoji valjan razlog da zbog tako visokog depozita.

Ukoliko je moguće, tražimo pojašnjenje zašto je neophodan tako veliki depozit.

Zbog čega nije predviđena безусловna bankovna garancija za ozbiljnost ponude?

Na ovaj način Vi bilo kojeg ponuđača ostavljate bez minimalno 100.000,00 KM za jedan LOT ili 300.000,00 KM za sva 3 LOT-a na period od barem 30 dana ili više. To nije baš tako beznačajno.

Pitanje od 23.05.2026.godine

Obzirom da u Javnom pozivu za davanje u zakup reklamnih površina na tramvajskim stajalištima u KS niste naveli instrukcije za plaćanje depozita za ponuđače iz inostranstva, molim vas za informaciju o broju deviznog računa i IBAN broju na koji je potrebno izvršiti uplatu depozita.

Komisija za pripremu javnog poziva i provođenje postupka za davanje u zakup reklamnih površina na tramvajskim stajalištima u Kantonu Sarajevo imenovana rješenjem ministra saobraćaja Kantona Sarajevo broj: 04-04-40851/25 od 16.03.2026. godine, u skladu sa tačkom 1.7. na pitanja o sadržaju dokumentacije javnog poziva, na navedena pitanja dostavlja pojašnjenje kako slijedi:

Postupak javnog otvaranja ponuda

Javno otvaranje ponuda provodi se na način definisan tačkom 1.14. Javnog poziva, pri čemu se na javnom otvaranju saopštavaju osnovni podaci o pristiglim ponudama, odnosno naziv ponuđača i ponuđena cijena.

Ovlašteni predstavnici ponuđača imaju pravo prisustvovati javnom otvaranju ponuda, dok se postupak pregleda i ocjene ponuda provodi interno od strane Komisije, u skladu sa uslovima Javnog poziva i pravilima postupka.

Nakon provjere formalno pravne ispravnosti i ocjene ponuda Komisija će sačiniti preliminarnu rang listu koja će biti dostavljena ponuđačima i objavljena na web stranici Ministarstva.

Ponuđač koji smatra da je u postupku pregleda i ocjene ponuda došlo do povrede uslova Javnog poziva ili nepravilnosti u odnosu na njegovu ponudu, može izjaviti prigovor Ministarstvu saobraćaja Kantona Sarajevo.

Prigovor se podnosi u roku od 5 dana od dana objave Preliminarne rang liste na web stranici Ministarstva.

Prigovor može biti izjavljen zbog:

- ocjene blagovremenosti ponude,
- ocjene potpunosti i ispravnosti dokumentacije,
- primjene eliminacionih kriterija, i
- načina rangiranja.

Po zaprimljenom prigovoru ministar može imenovati posebnu komisiju za razmatranje prigovora ili zadužiti postojeću komisiju da izvrši analizu navoda prigovora i dostavi izjašnjenje.

Komisija razmatra navode prigovora, vrši uvid u relevantnu dokumentaciju i sačinjava prijedlog odluke po prigovoru. Na osnovu prijedloga komisije ministar donosi rješenje po prigovoru koje je konačno u postupku pred Ministarstvom.

Nakon isteka roka za prigovor, odnosno, okončanja postupka po eventualnim prigovorima, ministar donosi odluku o utvrđivanju konačne rang-liste, protiv koje se može pokrenuti upravni spor.

Kako predmetni postupak nije postupak javne nabavke koji se provodi po Zakonu o javnim nabavkama BiH, pravni lijekovi se ostvaruju u skladu sa važećim propisima Bosne i Hercegovine i Federacije Bosne i Hercegovine.

Lična sposobnost i težak profesionalni propust

Odredbe tačke 2.2.1. Javnog poziva odnose se prvenstveno na ponuđača kao privredni subjekt.

U slučaju odabira ponuđača kao najpovoljnijeg, dostavljaju se dokazi propisani tačkom 2.2.1.6. Javnog poziva, uključujući odgovarajuće potvrde i uvjerenja nadležnih organa za privredni subjekt i odgovorna lica u skladu sa zahtjevima Javnog poziva.

Pojam „težak profesionalni propust“ tumači se u skladu sa opštim pravilima obligacionog prava i poslovne prakse, a naročito se može odnositi na značajne ili ponavljane propuste u izvršenju ugovornih obaveza koji su doveli do raskida ugovora, nastanka štete ili drugih ozbiljnih posljedica.

Ocjena postojanja takvog propusta vršit će se u svakom konkretnom slučaju na osnovu raspoložive dokumentacije i relevantnih činjenica.

Neuredno izvršenje ugovora

Pod pojmom „neuredno izvršenje ugovora“ podrazumijeva se značajno ili ponavljano neizvršavanje ugovornih obaveza od strane ponuđača koje je rezultiralo posljedicama poput raskida ugovora,



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-058, + 387 (0) 33 562-059

Web: <http://ms.ks.gov.ba>, E-mail: ms@ms.ks.gov.ba

aktiviranja instrumenata osiguranja, obračuna zatezних kamata ili drugim oblicima ugovorne odgovornosti.

Navedeni kriteriji služe procjeni poslovne i finansijske pouzdanosti ponuđača.

Komisija će svaku konkretnu situaciju cijeliti pojedinačno, na osnovu dostavljene dokumentacije i relevantnih okolnosti konkretnog slučaja.

Rizik diskvalifikacije ponuđača

Javni poziv pripremljen je u skladu sa načelima transparentnosti, jednakog tretmana i zaštite javnog interesa.

Svaka ponuda će se ocjenjivati pojedinačno, u skladu sa uslovima Javnog poziva i dostavljenom dokumentacijom.

Ministarstvo ne može unaprijed prejudicirati eventualne buduće okolnosti niti hipotetičke situacije koje bi mogle nastati tokom trajanja ugovornog odnosa.

Pravni osnov kriterija

Predmetni postupak provodi se na osnovu Sporazuma i Aneksa Sporazuma zaključenih između Ministarstva saobraćaja Kantona Sarajevo i KJKP „GRAS“ d.o.o. Sarajevo, uz primjenu relevantnih propisa obligacionog, privrednog i drugog važećeg prava Bosne i Hercegovine i Federacije Bosne i Hercegovine.

Predmetni postupak ne predstavlja postupak javne nabavke u smislu Zakona o javnim nabavkama BiH.

Način obračuna zakupnine

Zakupnina se obračunava za ukupan broj tramvajskih stajališta unutar dodijeljenog LOT-a, dok se umanjenje zakupnine vrši u skladu sa odredbama ugovora i Javnog poziva.

Kapaciteti za realizaciju zapisnika

Ministarstvo i KJKP „GRAS“ d.o.o. Sarajevo će, u okviru svojih nadležnosti i organizacionih kapaciteta, osigurati provođenje ugovornih obaveza i koordinaciju aktivnosti u vezi sa realizacijom ugovora.

Operativna pitanja realizacije detaljnije će se uređivati kroz ugovorni odnos sa izabranim zakupcem.

Zabrana političkog oglašavanja

Zabrana političkog oglašavanja uvedena je radi zaštite javnog interesa, neutralnosti javnog prostora i sprečavanja korištenja javne infrastrukture u svrhe političke promocije.

Navedeno ograničenje predstavlja uslov korištenja reklamnih površina koje su predmet zakupa i primjenjuje se jednako na sve učesnike postupka.

Digitalni CYL objekti

Predmet Javnog poziva odnosi se na reklamne površine definisane dokumentacijom Javnog poziva i Prilogom 1.

Postavljanje novih reklamnih objekata, uključujući digitalne objekte, nije predmet ovog Javnog poziva.

Oštećenja izazvana od strane trećih lica

Pitanja odgovornosti za eventualna oštećenja nastala djelovanjem trećih lica, vandalizmom, saobraćajnim nezgodama ili višom silom uređivat će se ugovorom i primjenom relevantnih propisa obligacionog prava.

Svaka konkretna situacija cijelit će se prema okolnostima konkretnog slučaja.

LOT 3 – Prilog 1



Prikaz tramvajskih stajališta LOT 3, objavljen je na web stranici ministarstva 22.05.2026.godine, na isti način kao i osnovni tekst Javnog poziva.

Opravdanost produženja roka za dostavu ponuda, razmatrati će se po prijemu takvih zahtjeva.

Neusaglašenost dimenzija i broja reklamnih površina

Broj tramvajskih stajališta i dimenzije istih koji/e su predmet zakupa naznačeni su u Javnom pozivu i prikazani u Prilogu 1. Prikaz tramvajskih stajališta sa raspoloživim reklamnim površinama za LOT 1, 2 i 3.

Depozit za ozbiljnost ponude

Depozit za ozbiljnost ponude obračunava se u iznosu od 50% početne vrijednosti LOT-a bez PDV-a definisane Javnim pozivom.

Strani ponuđači

Strani ponuđači su dužni uz ponudu dostaviti izjavu o ličnoj sposobnosti u skladu sa obrascem iz Javnog poziva, dok izabrani ponuđač naknadno dostavlja odgovarajuće potvrde i uvjerenja nadležnih organa države u kojoj je registrovan, u skladu sa uslovima Javnog poziva.

Tehnička i profesionalna sposobnost

Kao uslov tehničke i profesionalne sposobnosti propisano je da ponuđač ima uspješno iskustvo u realizaciji **najmanje 1 (jednog) ugovora** u prethodne tri godine, **minimalne vrijednosti naznačene po LOTovima**, i to za:

- **LOT I**- minimalne vrijednosti 65.126,00 KM (bez PDV-a)
- **LOT II**- minimalne vrijednosti 71.940,00 KM (bez PDV-a)
- **LOT III**- minimalne vrijednosti 68.267,00 KM (bez PDV-a)

Uplata depozita iz inostranstva

Informacije o uplati depozita iz inostranstva će biti objavljene na web stranici odmah po zaprimanju istih od strane relevantnih institucija.

PRAVNI OSNOV

Ministarstvo saobraćaja Kantona Sarajevo objavilo je Javni poziv za davanje u zakup reklamnih površina na tramvajskim stajalištima u Kantonu Sarajevo na osnovu Sporazuma o regulisanju međusobnih prava i obaveza na dijelu tramvajске infrastrukture zaključenog između Ministarstva saobraćaja Kantona Sarajevo i KJKP „GRAS“ d.o.o. Sarajevo, kao i Aneksa predmetnog sporazuma. Zakon o uređenju saobraćaja na području Kantona Sarajevo definiše tramvajska stajališta kao sastavni dio tramvajске infrastrukture, te propisuje da je tramvajska infrastruktura u vlasništvu Kantona Sarajevo i od općeg interesa za Kanton.

Raspisivanje javnog poziva također je u funkciji ostvarivanja prihoda od korištenja javne infrastrukture, uz obavezu transparentnog i jednakog pristupa svim zainteresiranim pravnim i fizičkim licima kroz procedure javnog nadmetanja.

Predmetni postupak po svojoj pravnoj prirodi predstavlja postupak raspolaganja pravom korištenja reklamnih površina kao dijela javne infrastrukture, odnosno postupak davanja u zakup javnih površina i reklamnih kapaciteta, a ne postupak javne nabavke roba, usluga ili radova u smislu Zakona o javnim nabavkama Bosne i Hercegovine.

Shodno tome, Ministarstvo je ovlašteno da, u cilju zaštite javnog interesa i osiguranja urednog izvršenja ugovornih obaveza, definiše uslove za učešće u postupku, kriterije sposobnosti ponuđača, finansijske instrumente osiguranja, kao i druga pravila postupka, uz poštivanje općih načela: zakonitosti, transparentnosti, jednakog tretmana učesnika, proporcionalnosti, zaštite javnog interesa, savjesnosti i poštenja, te zabrane diskriminacije.



Navedena načela proizlaze iz Zakona o obligacionim odnosima Federacije Bosne i Hercegovine, Zakona o stvarnim pravima Federacije Bosne i Hercegovine, propisa koji uređuju upravljanje javnom imovinom, općih načela upravnog i privrednog prava, kao i ustavnog načela jednakosti svih učesnika na tržištu.

Odredbe Javnog poziva koje se odnose na ličnu sposobnost ponuđača imaju za cilj osigurati da u postupku mogu učestvovati isključivo privredni subjekti koji: zakonito posluju, uredno izvršavaju svoje obaveze, nisu pravosnažno sankcionisani za teža protivpravna ponašanja, te svojim poslovanjem ne predstavljaju reputacioni, finansijski ili pravni rizik za ugovorni odnos.

Uslovi kojima se zahtijeva dostavljanje izjava i potvrda o neosuđivanosti, nepostojanju zabrane obavljanja djelatnosti i slično, predstavljaju standardne mehanizme provjere poslovnog integriteta privrednog subjekta.

Odredba koja se odnosi na „težak profesionalni propust“ ne predstavlja proizvoljno uveden kriterij, nego pravni standard koji je poznat u domaćoj i međunarodnoj poslovnoj i ugovornoj praksi.

Pod navedenim pojmom podrazumijevaju se naročito značajni ili ponavljani propusti u izvršenju ugovornih obaveza, nesavjesno ili neprofesionalno postupanje, postupanja koja su dovela do raskida ugovora, nastanka štete, aktiviranja instrumenata osiguranja, ili drugih ozbiljnih posljedica po ugovorni odnos.

Radi se o pravnom standardu koji se ocjenjuje u svakom konkretnom slučaju, na osnovu: dostavljene dokumentacije, relevantnih činjenica, poslovne prakse, načela savjesnosti i poštenja, te ukupnog ponašanja ponuđača u prethodnim poslovnim odnosima.

Ovakvo definisanje kriterija ima legitiman cilj zaštite javnog interesa i osiguranja da predmet zakupa bude povjeren privrednom subjektu koji raspolaže potrebnim stepenom profesionalne pouzdanosti.

Uslovi ekonomske i finansijske sposobnosti definisani su radi provjere:

- finansijske stabilnosti ponuđača,
- sposobnosti urednog izvršenja ugovornih obaveza,
- kontinuiteta poslovanja,
- te minimiziranja rizika od prekida ugovornog odnosa ili neizvršenja obaveza tokom trajanja zakupa.

Zahtjev da ponuđač nije bio u blokadi računa u prethodnom periodu predstavlja objektivni pokazatelj solventnosti i finansijske stabilnosti privrednog subjekta.

Također, zahtjev kojim ponuđač potvrđuje da nije imao neuredno izvršenje ugovora prema drugim pravnim licima uveden je radi procjene poslovne pouzdanosti i profesionalnog kredibiliteta ponuđača. Pod pojmom „neuredno izvršenje ugovora“ podrazumijevaju se naročito značajna kašnjenja u izvršenju obaveza, neispunjavanje ugovornih obaveza, raskidi ugovora nastali usljed skrivljenog ponašanja ugovorne strane, aktiviranje bankarskih garancija, obračun zateznih kamata zbog neizvršenja obaveza, kao i drugi oblici ozbiljnog ugovornog neispunjenja.

Navedeni kriteriji predstavljaju legitimne i proporcionalne mehanizme zaštite javnog interesa, posebno imajući u vidu vrijednost predmetnog ugovora, trajanje zakupa od 36 mjeseci, obim reklamnih površina, te potrebu kontinuiteta održavanja i korištenja javne infrastrukture.

Odredbe kojima je propisana uplata depozita i dostavljanje bankarske garancije predstavljaju standardne institute obligacionog i privrednog prava kojima se štiti: ozbiljnost ponude, uredno izvršenje ugovornih obaveza, finansijska disciplina, te sigurnost ugovornog odnosa.

S obzirom na: značaj javne infrastrukture, trajanje ugovora, komercijalnu vrijednost reklamnih površina, te potrebu kontinuiranog održavanja i upravljanja reklamnim kapacitetima, Ministarstvo je imalo opravdan i legitiman interes da predvidi instrumente osiguranja koji će spriječiti: odustajanje od ponude, neizvršenje ugovornih obaveza, finansijske gubitke, kao i eventualne sporove ili prekide realizacije ugovora.

Propisani iznos depozita i bankarske garancije za uredno izvršenje ugovora primjenjuje se jednako prema svim ponuđačima i nije diskriminatoran, budući da predstavlja unaprijed poznat i transparentno definisan uslov postupka.

Zabrana političkog oglašavanja, kao i ograničenja koja se odnose na oglašavanje alkohola, duhanskih proizvoda i igara na sreću u blizini škola i vjerskih objekata, uvedena su radi zaštite javnog interesa,

očuvanja neutralnosti javnog prostora, zaštite djece i osjetljivih kategorija stanovništva, te očuvanja javnog reda i društveno prihvatljivog sadržaja u javnom prostoru.

Javne površine i javna infrastruktura predstavljaju dobra od posebnog društvenog značaja, zbog čega organ upravljanja ima pravo i obavezu definisati sadržajne standarde i ograničenja njihovog korištenja.

Predmetna ograničenja primjenjuju se jednako prema svim korisnicima, unaprijed su definisana, imaju legitiman cilj, te su proporcionalna svrsi koja se želi postići.

Zabrana političkog oglašavanja uvedena je radi zaštite javnog interesa, očuvanja neutralnosti javnog prostora i sprečavanja korištenja javne infrastrukture u svrhe političke promocije.

Predmetne reklamne površine predstavljaju dio javne infrastrukture kojom upravlja Kanton Sarajevo putem nadležnih institucija, zbog čega Ministarstvo ima obavezu osigurati političku neutralnost i izbjeći stvaranje bilo kakvog privida favorizovanja ili ekskluziviteta prema bilo kojem političkom subjektu.

Dodatno, imajući u vidu da Ministarstvo nije ugovorna strana u pojedinačnim komercijalnim odnosima između zakupca reklamnih površina i krajnjih korisnika oglasnog prostora, niti ima uticaj na izbor klijenata sa kojima će zakupac zaključivati ugovore o oglašavanju, predmetna zabrana uvedena je i radi preveniranja mogućih situacija koje bi mogle dovesti do percepcije političke povezanosti, favorizovanja ili institucionalne podrške određenim političkim subjektima.

Navedeno ograničenje primjenjuje se jednako prema svim učesnicima postupka i svim potencijalnim korisnicima reklamnog prostora, te predstavlja legitiman i proporcionalan mehanizam zaštite neutralnosti javnog prostora i javnog interesa.

Javno otvaranje ponuda ima za cilj osigurati transparentnost postupka u dijelu evidentiranja pristiglih ponuda i ponuđenih cijena.

Pregled, analiza i ocjena blagovremenosti, potpunosti i ispravnosti ponuda po svojoj prirodi predstavljaju stručni i administrativni postupak koji provodi Komisija imenovana za provođenje postupka.

Takav način provođenja postupka ne narušava transparentnost, ne ograničava jednak tretman ponuđača, niti predstavlja odstupanje od standardne poslovne i administrativne prakse u postupcima ove vrste.

Svim ponuđačima osigurava se jednak pristup informacijama, mogućnost uvida u rezultate postupka, te zaštita njihovih prava u skladu sa važećim propisima.

ZAKLJUČAK

Svi uslovi, kriteriji i ograničenja definisani Javnim pozivom utvrđeni su unaprijed, transparentno, jednako za sve učesnike, uz postojanje legitimnog cilja zaštite javnog interesa, te u skladu sa načelima proporcionalnosti, savjesnosti, jednakog tretmana i pravne sigurnosti.

Predmetni uslovi ne predstavljaju diskriminatorne ili proizvoljne kriterije, već mehanizme kojima Ministarstvo osigurava: zakonito raspolaganje javnom infrastrukturom, uredno izvršenje ugovornih obaveza, zaštitu javnih interesa, finansijsku sigurnost, te profesionalno i odgovorno upravljanje reklamnim površinama na tramvajskim stajalištima u Kantonu Sarajevo.

KOMISIJA ZA PRIPREMU JAVNOG POZIVA I PROVOĐENJE POSTUPKA

